

ALAMIN ANG MGA KATOTOHANAN.

PROTEKTAHAN ANG IYONG ANAK.



PROTEKTAHAN ANG IYONG KOMUNIDAD.

Pinakaligtas ang mga bata at kabataan kapag sila ay napapanahon sa kanilang mga bakuna sa COVID-19.

Pinoprotektahan ng bakuna ang lahat, kabilang ang mga bata at kabataan, mula sa pagkahawa sa COVID-19. Pinipigilan din ng bakuna ang mga bata at kabataan mula sa malubhang pagkakasakit kung magkakasakit man sila.

Mayroong bagong mga variant ng COVID-19 na mas madaling kumakalat at maaaring magsanhi ng malubhang mga sintomas. Nagpoprotekta ang mga bakuna laban sa mga variant.

Ang pagbabakuna sa mga bata at kabataan ay nagpoprotekta sa buong komunidad.

Ang mga taong napapanahon sa kanilang mga bakuna sa COVID-19 ay hindi malamang na ikalat ang virus sa iba. Kapag ang mga kwalipikadong mga bata ay bakunado, pinoprotektahan nito ang:

- Kanilang mga kaibigan at pamilya na hindi pa bakunado.
- Ang mga matatanda at mga taong may ilang medikal na mga kondisyon na nasa mataas na panganib na lubhang magkakasakit mula sa COVID-19.

Habang dumadami ang mga bata at nasa gulang na bakunado, mas madali na mapanatiling bukas ang mga paaralan at mga negosyo.



LIGTAS AT EPEKTIBO

- Walang ibang bakuna ang nasubok gaya nito para sa kaligtasan nito sa kasaysayan ng Estados Unidos.
- Ang bakuna ay napatunayang ligtas para sa mga bata, kabataan at nasa gulang, kabilang ang iba-ibang mga lahi, etnisidad at edad.
- Hindi nakaaapekto ang mga bakuna sa COVID-19 sa pagbibinata o pagdadalaga o sa kakayahang magkaroon ng anak sa hinaharap. Ang mga bakuna ay hindi magsasanhi ng pagkawala ng kakayahang magkaanak ng inyong anak sa hinaharap.

LIBRE PARA SA LAHAT

- Ikaw at ang iyong anak ay maaaring makakuha ng libreng bakuna anupaman ang **katayuan sa imigrasyon**.
- Ikaw at iyong anak ay hindi kailangang **magpakita ng ID** o mayroong **seguro sa kalusugan** upang makatanggap ng libreng bakuna.

Ano ang aasahan

Kapag napapanahon sa mga bakuna sa COVID-19 ang iyong anak, mas ligtas siya sa pagpasok sa paaralan, paglaro ng sports, at pagbisita ng mga kaibigan at pamilya. Ang pagpapanatiling napapanahon ay nangangahulugan ng pagkuha ng parehong dosis ng dalawang-dosis na bakuna, at pagkuha ng anumang booster na dosis na kwalipikado ka.



Sa appointment:

- Bago bigyan ng nars o doktor ang iyong anak ng bakuna, kakausapin ka nila tungkol dito, rerepasuhin ang medikal na kasaysayan ng iyong anak at tatanungin ka kung mayroon kang anumang mga tanong.
- Kakailanganing manatili ang iyong anak nang 15-30 minuto upang matiyak na hindi sila magkaroon allergy.



Ang banayad na mga side effect ay karaniwan

HINDI ibig sabihin ng mga side effect na mayroong COVID-19 ang iyong anak.

Ibig sabihin ng mga side effect na tinuturuan ng bakuna ang katawan ng iyong anak kung paano labanan ang COVID-19.

Maaaring kasama sa banayad na mga side effect:

- Pananakit o pamamaga sa braso kung saan ibinigay ang bakuna
- Pagod
- Pananakit ng ulo
- Pananakit ng kalamnan
- Panginginig
- Lagnat
- Pagduduwal



Ang malubhang mga side effect ay napakabihira

Ligtas ang mga bakuna. Mas malamang na magkakaroon ng malubhang mga komplikasyon ang iyong anak mula sa COVID-19 kaysa sa bakuna.

Maliit na bilang ng mga kabataan ang nakaranas ng mga side effect tulad ng pamamaga ng puso (tinatawag na myocarditis o pericarditis) o namumuong dugo.

- Ang malubhang mga side effect ay **napakabihira**
- Ang malubhang mga side effect ay **nagagamot** at karamihan sa mga tao ay gumaling
- Ang benepisyo ng bakuna ay higit na mas malaki kaysa sa anumang panganib mula rito

TANUNGIN ANG IYONG DOKTOR PARA SA KARAGDAGANG IMPORMASYON

Kausapin ang doktor o nars ng iyong anak upang malaman ang higit pa tungkol sa mga bakuna sa COVID-19 at ibang mga bakuna na maaaring kailangan ng iyong anak.

